

鄆寧縣志

鄉寧縣志

目錄

卷首

序

序

纂修姓氏

例言

目錄

縣境全圖

中區圖

東北區圖

東南區圖

西南區圖

西區圖

煤窑圖

卷一

輿地沿革譜

鄉鎮譜

卷二

職官譜

卷三

貢舉譜

卷四

仕宦譜

戶口譜

學校畢業譜

選舉譜

卷五

疆域考

疆域
關隘

沿革
里甲

道里
區域

山川考

水利

古蹟考

城鎮
坊表

山川
廟宇

冢墓
家廟

卷六

城邑考

縣城
附公署

田賦考

附蠲免

秩祀考

卷七

學制記

釋奠
書院

儒學
學校

營制記

綠營
巡警

練勇

積儲記

倉廩
義倉

常平倉

風土記

歲時
物產

婚喪祭

卷八

大事記

金石記

金類
石類

雜記

卷九

名宦錄

鄉賢錄

忠義錄

孝友錄

卷十

仕實錄

儒學錄

武功錄

隱逸錄

藝術錄

卷十一

列女錄

卷十二

書選

文選上

卷十三

文選中

卷十四

文選下

卷十五

詩選上

卷十六

詩選下

鄉寧縣志卷六

攷四

城邑攷

丁巳五六月間陝匪渡河蹂躪晉南各縣皆鄉寧鄰邑也
余方纂城邑攷擲筆歎曰鄉寧治城南臨鄂水水淺而城
惡北倚北山山低而路雜地勢如此賊至弗可守已無何
賊至果由南城平步而登果據北山越城而入飽掠而去
噫有城不如無城不能禦賊之入而反禦民之出轉不若
委而去之之爲愈也嗚呼

縣城

葛清縣城攷曰舊志謂鄂侯有二城今城據其北壘而以面山里許又有一城爲疑竊意鄂雖晉鄙在萬山之中非人煙繁富之地鄂侯當日嘉父逆諸隨而納之鄂不過爲逃死之計非有復國之謀也左氏自昭侯以降世世皆爲曲沃所弑而鄂侯以去翼歸鄂僅能自保其身豈有力爲兩城以容民蓄衆哉元魏置昌寧縣而史載有陰陽二城南北相距不遠且山南水北則曰陽山北水南則曰陰今城據北山之陽而鄂水環其前則陽城也至金牛阜在南山之陰鄂羅水之南陰城當在此處城之南山名鄂侯嶺由來已久安知後魏之陰陽二城非卽鄂侯之故壘耶

通志

謂陽城當在今距治城里許之下縣村對村南山
下多水田園圃卽古之陰城也二說未知孰是

春秋時晉鄂侯故壘宋皇祐三年知縣劉舒因遷縣治築
明正德間知縣趙元重修建東西二城樓及西門外石橋
嘉靖間知縣王楊辛丑知縣惠及民相繼增築南城建樓
後河水衝塌知縣王國正復增修之繚以女牆隆慶間知
縣馬秉直築北城張一敬修東城增四圍女牆城始高大
計周二里半通志作四里四十步高厚各二丈有奇池深二丈廣稱
之萬曆十七年山水蝕西城知縣焦守已贅以石浚池增
築口新城樓題曰登龍天啟間知縣張文熠鑄鐵牛鐵幢
於東門外鎮水清康熙五年知縣張聯箕重修增築護城

石堰後因水漲壞城復修建石隄一道長二十五丈高一丈二尺闊八尺聯箕自爲記四十七年知縣屠輝加修道光二十六年知縣王筠重修四城今惟東西南各有城樓一座北無樓上有礮臺四座下爲水門東門外甕城一所西門外關廂一所

鄉寧治城東西袤長南北短狹縣署居東西之中縣署東百餘步有橋舊名永寧橋父老傳言明以前橋之西皆屬城內橋之東爲東關不憶明代何官併東關圈入城內工程頗鉅考之通志及舊縣志殆隆慶間張一敬之功乎又考壽聖寺后土廟及東街各坊今皆在城內而乾隆時舊

志猶云在縣東關蓋沿康熙時舊志而康熙時志又沿明之舊志均未改也

今則城壞不堪矣自道光二十六年重修之後間亦補修隨修隨圯昔浚之池今成平地縱使後之人不惜萬金重加築鑿無如北山一面處處可通一登北山全城在掌握中矣或有建議仍移治陰城者其弊與今治等南山猶北山非計也有謂移至金牛阜者地勢過高而水乏非計也有謂守城不如守山增兵防守各峪口毋令敵近城斯言庶乎近之然民貧財匱至今已極無亦能言而不能行耳

邑人王汝弼嘗倡議欲引羅峪水入城以便民工鉅不果

公署

宋皇祐間知縣劉舒由陰城遷治於陽城公署建築形勢弗可攷元末宋景祁復建碑記亦未詳述明洪武年知縣荆守正重建舊志雖詳與今亦異其後重修者清雍正間

知縣田文鏡

舊志漏載今惟大門內表裏山河一坊尙存

乾隆壬午知縣鍾聲

峻有碑記

記曰余以戊寅之冬來蒞斯土甫入解舍見敗瓦頽垣不堪寧居隨時補葺焉憇息而大堂

朽蠹特甚則功大而力難驟舉也至壬午秋乃出數年廉俸之所節縮者得三百四十餘金鳩工庀材先大堂次庫房次科房又次大門儀門鼓樓皆因其舊而整理之他如大堂東之後爲鄴侯祠前爲佐治廳也西之庫房前爲收糧所旁爲外庫房也及儀門外之左爲寅賓館大門外之左爲捕役班右爲快手阜隸之各班房也以及鄴侯祠之裝塑神像設立鐘鼓皆創從前所未有規制繕葺頗稱完好斯舉也一木一石一匠一工均屬官爲出資公平購僱

絲毫不以累民民竟不知有此舉者工始於壬午九月踰
年四月告竣飾石記之非以紀功亦欲後之官斯上者隨
時留心勿泛視爲傳舍庶不致大壞可免傷財
勞民之患云乾隆二十八年癸未知縣鍾聲峻同治七年
知縣俞承奎其補修增建工資不鉅者明隆慶間知縣王
國正萬曆戊寅知縣李枝焦守已清康熙壬子知縣張聯
箕同治十二年知縣許貞元光緒十八年知縣葛玫三十
二年知縣李文輝

牧愛堂三間荆守正建同治間爲捻匪所焚俞承奎重修
舊扁無今稱大堂

庫房二間在大堂西荆守正建俞承奎重修今存

佐治廳一間在大堂東荆守正建鍾聲峻重修今無

聖諭房一座在甬路東荆守正建今無

東駕庫吏禮房十間西兵刑工房十間荆守正建鍾聲峻
俞承奎重修今存

儀門三間東西角門各三間荆守正建鍾聲峻俞承奎唐
安仁均重修今存

土地祠三間在儀門外東嶽神祠一間在儀門外西監房
窰房各二間週圍高牆均荆守正建今存

寅賓館在儀門外東正廳三間樓一座李枝建肅守已鍾
聲峻均重修今廢

申明亭在儀門西中亭三間耳房二間荆守正建乾隆時

已廢

大門鼓樓一座荆守正建王國正張聯箕鍾聲峻均重修
今樓漸圯

鄮侯祠鍾聲峻改建今存

知縣宅在牧愛堂後今稱二堂樓房五間東西房各三間荆守

正建樓圯李文輝改建平房上建小廟一間今存

三堂正房五間東西房各一間東房今廢左側正房三間前廳

三間廚房四間書房三間南房三間李枝增建今存

三尺園正房三間葛玖創建今存

二堂西偏南北房各五間西房四間東房一間許貞元創